

津門客話

何願船先生撰

寶琛敬題

津門客話

善慶徵應

螺洲沙合

螺洲陳氏科第

三次死而復生

南元夢兆

初任京職

勤儉自勵

任兵部職方司總辦

光澤何秋濤撰

不畏強禦

議定鴉片煙處分例

查庫改用懸針平

擬扣二成補庫虧

口袋庫檢出碎銀

辭特保補缺

辭出差

得員外郎

任坐糧廳

却規費

移稅櫃

提船

不肯早報回空

令經紀分船起米

移用大通橋口袋

陝西糧道任

請蜀南北兩山州縣民欠倉穀

承辦糧米變價請以旗餉劃抵

署臬司

隨案卽辦秋審



查拏湖北姦細

署藩司

定候補各簿免書吏撞騙  
爭龔令補缺事

商南防堵

截留騾隻僱夫赴浙川上船

設守於界牌

作竹礮

勸捐抬鎗礮位

幫襄陽道羅公經費銀兩

定兵譁

嚴紀律

在軍營勤治軍書遠偵探

山東運使任

籌畫鹺務

委知府比商領引

先銷北運各引

借給商人帑本修復灘地

令新舊引三七搭運

論兩淮去根窩改票鹽

籌山東官運之鹽

准借本省場鹽

會詳停止發鈔收鈔

修歷下亭古蹟

免商人修園

速解京餉

署山東臬司

嚴懲各屬匪徒

預決團練滋事

讞結福山縣煙台厘局一案

行保甲訪獲朱伯玉叛案

密訪鹽梟餘黨銷患未萌

署山東藩司

會同決德州河請止開一壩

築山東省城關廂羊馬墻

辭辦夷務

充提調官

斷傳遞

嘗粥飯

杜聯號



止藍榜  
杜修卷

津門客話

光澤何秋濤撰

善慶徵應

螺洲沙合

陳弼夫先生世居螺洲螺洲者螺江水中洲也在閩  
省城東南四十里地近鼓山形家者言山脈自松溪  
政和蜿蜒至此有七星落地之祥將來必出理學又  
江中有洲如沙合必出封疆大臣自明以來科第蟬  
聯至 先生之父尙書公官總督巡撫時江中洲沙  
果合及 尙書公薨沙洲遂淪於水道光末年沙漸

合說者以爲瑞旣而 先生果膺方面之擢云

螺洲陳氏科第

自順治以來螺洲陳氏科第蟬聯中進士者十二人鄉試近年以來除癸卯甲辰內午三科外每科螺洲陳氏皆雋數人辛亥則三人閩侯文風極盛入泮最難庚申歲試螺洲陳氏入泮者十有二人 先生之長孫名寶琛者年甫十三卽庠生真渥洼千里駒也

三次死而復生

先生言吾嘗三次死而復生其一年三歲時患麻疹鬱悶不逗已絕氣矣時方暮夜不便輦出 母夫人

置之空室地上迨曉而聞啼聲復活矣或曰得地氣故能生爾其二年九歲隨任雲南病甚不知人夢至一處一道人謂曰汝病甚何不向我取藥乎因與一丸 先生問曰汝爲誰道人曰我張三丰也時 母夫人聞 先生寤語說張三丰亟語 尙書公訪得三丰真人廟求其籤方服之病遂已其三年十七歲時方患瘟疫病篤 夫人進藥舉而擲之後遇良藥得痊余謂明洛陽韓公健有相者言當遇三死皆遇安痊後位至宰相壽九十餘今 先生事與相同可卜後福未艾又聞葉天士療痘兒欲死者閉空室中

蚊蚋嗜齧毒血盡除痘卽起灌此與先生事有相類者附記以資博識

南元夢兆

先生道光庚子以兵部候補主事應順天鄉試中式第二人定例順天鄉試分北貝南皿中皿卷解元必於北貝卷取中以係順天本闈也江蘇安徽江西浙江福建湖北湖南七省由貢監入試謂之南皿卷遴其尤雅者列第二人世稱南元以南省人文較盛於北中而南元文冠南七省尤藝林所豔稱也吾閩二百年來得南元者僅先生一人俗傳入棘闈者夢



見大父父必主中式 先生是年首場夢 司寇公  
拊背相勞苦泣而醒又闈中設有號軍以八旗兵丁  
充之每向應試者索賞賜曉曉不已是科首場號軍  
某供役甚勤出場時 先生賞之獨不受曰今科公  
必捷乞告住址赴宅領賞耳問其故秘不肯言揭曉  
後號軍果尋住址至椿樹二條胡同寓領賞乃云場  
中夜分後欲喫煙見八十餘號舍皆息燈臥惟此號  
有紅燈懸簷際亟往趨之相距數武燈忽不見退至  
遠處復見如前瞰之 先生方熟臥度紅燈非舉子  
所攜必神燈也故預知 公當獲雋矣

初任京職

勤儉自勵

先生初任兵部主事時年二十有五刻苦不異寒素晨夕趨公不懈或曰補缺尙早何勞自苦乃爾先生曰食其食不可懈其事若因補缺將近始勤入署則曠官之咎必多矣

初任三載不迎眷屬曰吾方學習未知能稱職否且恐食指繁而需費鉅也迨貫甫先生拔貢朝考至都始送先生眷屬來云

任兵部職方司總辦

兵部職方司之有總辦猶吏部功選司之有掌印也  
先生任總辦七年副總辦數人皆得京察一等以  
去而先生尙未補缺也後補缺十日卽升員外二  
次京察統計前後任總辦十有三年故世稱中樞諳  
練之員未有如先生者

不畏強禦

先生任兵部職方司總辦專轄武職處分凡二十四  
旗都統副都統叅佐領以下官有干奏劾事成隸焉  
任都統者多親郡王尙書任副都統者多侍郎人皆  
憚之往往不能自守成法先生至毅然一斷以例

大僚往往難之時有親王任都統保薦武員試以箭射無準下部議或微諷 先生曰此親王處分當議以降留不可以降調議也 先生正色對曰司官惟依定例辦稿耳若因其親王違例從輕則叅佐領之照例得處者何以服其心設有執以控愬司官何詞以對若謂親王不宜以小過降調則奏上時 天子自必格外宥之所謂部臣執法 皇上加恩此一定之理也及退同司官有咎言太戇者 先生笑曰我心口如一不知其他當道光末年定郡王方用事勢烜赫甚適有呈議降留之案依例四年方准開